

與
稽
齋
叢
稿

東齋續稿

叢稿第六

長洲 吳翌鳳

余前有改館之舉主人復鄭重見留不忍決去丁未
秋八月有楚中之行中懷耿耿知人生聚散非可預
料也爰次其詩爲東齋續稿

丙午

靈壁石歌爲家師中作

靈壁仙人飛羽旗。黑雲輪囷輒相隨。仙人蛻去雲亦墮。
化作卷石山之陲。屈盤一片瘦蛟骨。斑駁千載乖龍皮。

山童拾得不解惜拋擲棄置同兒嬉吾家叔子好事者
易以衡山之筆停雲詩高齋穀日會良友徧閱古墨兼
殘碑羣峯棱棱忽到眼滿座動色嗟神奇得非米顛衷
中出不然直是媧皇補天之所遺張騫汎查得頑石浪
云織女曾支機詎若此石玲瓏備五色案頭作供煙雲
披縹緲飛仙渡倏視無津涯怒潮突涌嵐嵐走峭壁直
上猿猱悲忽然水紋皺一似含風漪蒼龍落雁羅列徑
寸內富春山小下著嚴陵磯品題一一得神似愧無健
筆驅文詞昔者菜香子愛石具石癖襄陽已老硯山去

奇友齋中秋草碧。義君獨得礪砢姿。令我摩挲不能釋。
與君訂此爲石交。欲徃拜之具袍笏。菜香家介社自號多蓄異石顏其室
日奇友齋身後散如雲煙矣。

送陸季海之蕪湖二首

津亭楊柳萬條絲。正好江南二月時。獨挂一瓢渡江去。
亂山寒雨到鳩茲。

磬磬鴻雁滿寒潭。客思鄉心兩不堪。一照鶴兒山上月。
離人能不夢江南。

四月八日立夏

留春春不住萬點落花飛時節青精飯風光白袷衣飢
緣生計拙懶覺故交違無限關心事荒齋獨掩扉

哭陳文瀾

赴壑流光棲草廬頭銜祇是隱君身一星落落家何在
午夜荒荒夢竟真賸把詩篇承柏匱誰傳行誼勒貞珉
憐余卅載知交淚灑向塋門草不春

歿前數日頻感惡夢故有第四語

題錢青嶼汎舟圖用卷中船字韻三首

半篙新綠恣回旋左列圖書右管絃二十聲華滿江左
何人不識孝廉船

三年薄宦使君賢。劉寵何曾受一錢。休笑歸裝輕似葉，羨他載石鬱林船。

垂老生涯又日邊。一陂春水白鷗天。旁人休認予真子，此是米家書畫船。

兩泊海虞北門登山晴霽喜而有作

白鷗招我來。秋風颺孤艇。濛濛宿雨度。渺渺川路永。橫舟北水門。雲外見嵐嶺。天公憐幽討。頃刻陰翳屏。空翠浮冷光。丹楓麗朝景。縣知今宵月。夢落清虛境。卽事足娛人。何必羨箕穎。

三峯方丈夜坐同陳復生中倫和尚一峯上人
松風破清夢幽蹤落禪窟枯坐佛香中相對忘言說昏
鐘寺門掩惜此山上月

飯罷同復生中倫一峯由三峯度西嶺至拂水

巖小憩僧寺

齋鐘散羣鳥出門山更綠興高躡飛雲天朗射晴旭輕
裘短衣便古澗度鳥目重嶺如濤波一起又一伏崑崙
齊女墳黯黯蕭公谷側見峯頭僧井井入修竹水巖奮
當前三壘挂飛瀑回風一激射噴薄珠萬斛惜哉久旱

餘壯觀不得足巖邊化人宮面勢快遙矚野客聞鶴鳴
山僧報茶熟相攜二三子白雲許同宿

拂水巖下作三首

錦峯如黛想蛾眉何處江南紅豆枝只有西湖殘柳色
扶煙泣雨一絲絲

半野堂傾夕照催平泉草木總成灰
妥娘老去冬哥死誰識南朝家令來

偶攜拄杖陟峻嶒小閣凌空見佛鐙
一霎風流同逝水嬾將遺事問山僧

由拂水巖至劒門卽目

羣山東北來。至此陡欲住。宛宛蛇徑迴。巉巖石骨露。峻
嶒類削成。磊落如奮怒。雲移愁仰視。風急眩反顧。豁然
一罅開。儻與僊真遇。我來久徙倚。天色澹將暮。俛瞰兩
湖明。晴波飛白鷺。境奇出意象。苔滑愁窘步。隔嶺聞清
鐘。山僧導歸去。

破龍澗

何年掣毒龍。澗水尙餘赤。疑有疾雷飛。空山風雨夕。

入維摩寺不見一僧。登樓眺望。啜茶而返。

重岡勢回復。迤邐如抱珥。瞥見化人宮。宥然落潭底。入
門清楚。宋登閣。羣峯庠海天。正東豁一望極千里。健鶻
雲際盤。孤煙島邊起。我生墮塵网。幾見巖壑美。枯坐澹
忘歸。欲此結巾屨。林表颺茶煙。夕陽半山紫。

破山興福寺象公山房

黃葉寺門掩。白雲幽澗涼。一吟常尉句。閒憩支公牀。案
有伊蒲饌。時留晚食鑪聞篤耨香。空心亭下水。愁照鬢毛蒼。

戲贈黃牧邨時留毛寶子及余午飯

惱殺長顏白。似銀斑斑。時染墨痕。新景升尙可傾三雅。

宣武何須笑半人

近患壁疾

老去看雲猶有伴

謂寶子

客來翦

韭未爲貧尙湖煙月欣無恙長與詩人理釣綸

招真治七星檜歌

聃君丹成降斗樞化作七檜蒼顙須瑤宮沈沈不肯住
劈歷一聲蛻鱗去三株偃蹇不得從枯枝破葉冰霜封
遊人瞥見凜欲汗孥攬直似騰乖龍問年說是蕭梁代
傳記雖存恐茫昧指點難將歲月猜主持只有風雲會
北者敲斜皮索綯俛身仰視蒼天高空心陰火燒不死
縱欲脫去何繇逃東者筋骸斷還續西者三丫根僅屬

形體詭異難具詳。拈豪欲賦誠荒唐。畫師苦心得一二。
片紙直擬千金償。我生靜契谷神旨。走叩爭關謁仙李。
摩挲爾檜欲問之。惟見東來暮雲紫。

遊小石洞

石洞何深。皆藤蘿絡古井。寒泉淨冰雪。一泓清鑑影。霜
凋木葉。秋雲起石牀。冷拾級上層梯。落泊在西嶺。

西城卽目

北渚縈紆去。西城樓閣開。晚楓明夕照。古壑沒蒼苔。獨
鳥穿雲入。疎鐘度水來。耽幽已成癖。城角漫相催。

張芑堂歸海鹽走送不及時將渡江之四明

相逢纔一宿忽已擢歸舟此夕煙江上笛聲何處樓離

情胥浦月草色鄧山秋早定名山業勞生已白頭時欲從范

氏天一閣訂證石鼓文

夜宿白雲泉精舍

我從虞山來又上天平嶺山遊不厭深趣適意自領龕
虛佛鐙明露寒孤鶴警時聞雲竇泉滴滴秋夢醒

哭兒形三首

爾父固不德爾祖實積厚謂爾宜壽考胡爲今獨否悠

悠十五年於爾亦何負佗時縱重來爾父骨且朽

病革時有

四十年後
重來之語

自從失吾兒忽忽顏鬢改悲傷吾母心有淚不敢灑遺
書空滿牀讀者竟何在何辜罹此酷茫茫咎與宰

盤盤踞湖山爾祖之兆域送爾歸幽宮祖孫自怡悅還
家意無慘展轉腸寸裂夢破腳不溫窗虛月如雪

夜坐

獨坐愁無那昏煙淡月籠寒砧與哀雁并起一聲中

感懷二首

歷盡難虞。賸此身胸中五嶽尙嶙峋。童蒙猥使求於我。狀貌何能拜向人。意氣肯同風。遇鷄生涯莫笑釜生塵。揚烏死後平文閣。攬鏡愁看白髮新。

江湖歲晏總愁余。渺渺中流少一壺。謫比東方空射覆。技憐南郭漫吹竽。投閒擬續窮愁志。餐勝誰傳辟穀符。飲露寒蟬休自足。年來飢亦到侏儒。

涸瘦山莊新鑿雪澗虞勛之有詩邀余繼作

鑿此一泓碧。冷然清絕塵。味憐晴雪淡。寒照白頭新。鳥度愁窺影。花浮欲貯春。如逢挂瓢客。滿酌不嫌頻。

積霖二十三日立春日復大雨雪鐙下感述時

十二月十七日也

漫道陽和轉依然是漏天飢寒積壯氣雨雪逼殘年羅
雀門誰款勞生迹可憐夜鐙照無寐寒到枕函邊

馬心培移家歌

馬卿昔日城西住不染樓高出煙霧古畫名書文沈標
鐵甌銅鼎商周具昆明劫火忽洞然樓中寶章光燭天
世間萬事竟何有蜃樓變幻成蒼狗意中上壑結構殊
無慘寫作待月秋窗圖書生貧薄那致此把茅依舊廬

麻。居。一。月。愁。霖。泥。滑。滑。歲。暮。移。家。太。倉。卒。有。女。肩。貓。子。
抱。琴。馬。卿。執。卷。相。隨。行。里。社。還。辭。二。三。友。家。具。無。多。易。
趨。走。車。中。那。有。萬。卷。書。牀。頭。尚。挂。一。壺。酒。把。酒。哦。詩。夜。
已。中。起。來。曉。日。三。竿。紅。休。憐。局。趣。無。知。已。四。海。今。誰。皋。
伯。通。

丁未
月 盡八

哭虞勛之二首

自。與。之。子。交。意。味。淡。彌。旨。七。年。未。爲。久。一。病。竟。不。起。去。
年。雪。蕉。亡。今。年。雨。蕉。死。平。生。幾。知。已。死。亡。畧。盡。矣。迢。迢。

哭君來淚灑橫塘水

雪蕉謂陳文潤
雨蕉助之自號

憶偕素心人來作橫塘客杖策登名山抵掌論詩格交
深情性真迹熟儀文革一朝隔形骸萬事成徃昔中多
不盡情耿耿何由釋

展先墓書示墳丁

廿年營薄奠兩世感貽謀楊柳仍青眼兒孫已白頭憐
余正漂泊賴爾護松楸坐愛山光好還思傍一丘

欲別東齋去五首

時將之
湖北

欲別東齋去真令猿鶴驚片颿遊子淚尊酒故人情月

淡無花影。秋空有雁聲。誰歌折楊柳。蕭瑟旅愁生。

欲別東齋去。諸生氣誼真。十年燈火伴。一旦別離人。短髮憐吾老。長愁惜汝貧。山堂梅信早。珍重故園春。

欲別東齋去。難忘是小樓。青黃三徑樹。樓正對蔣氏園風月一。

天秋。客有琴書趣。人今汗漫遊。西南山一角。凝黛似含愁。

欲別東齋去。陳編未忍拋。半生心欲瘁。萬卷手頻鈔。小字書根密。斜封置鐫牢。獨憐拾賣久。慚愧說書巢。

欲別東齋去。孤篷向遠天。雁歸吳苑樹。月上楚人船。客。

夢秋潮裏家山曉日邊歲寒盟約在重款是何年

東齋續稿

叢稿六

登樓集

上海圖書館叢稿第七

長洲 吳翌鳳

余杜門守拙未嘗遠遊丁未秋姜度香中丞遣使迎
致詞意諄切不得已而後行明年八月中丞還朝
遂分手去一載之中得詩若干首合道路之作通爲
一卷曰登樓集

丁未

起八
月杪

梁溪夜泊

伯鸞溪上卽天涯清夜沈沈獨客槎一點殘燈數聲角

夢魂容易得還家

慈姥磯下作

遠別慈親去。還來慈姥磯。
江流正東下。孤雁向南飛。
楚國煙波渺。家山雲樹微。
遙憐倚門夕。望遠定霑衣。

蕪江夜雨

疎疎蘆荻風。吹送連江雨。
孤篷坐清宵。篝鐙耿無語。
鳴驛樓角。統統關城鼓。
非關聽蕭瑟。亦自傷羈旅。
故園秋正中。涼意已在戶。
翦燭有餘閒。胡爲去鄉土。

舟中雜感四首

浪迹真成不繫匏。修塗誰惜石田礲。空江湖落人初定。
老樹風多鳥不巢。衣上線痕遊子淚。山中鶴怨故人嘲。
夜寒難結思鄉夢。苦竹黃蘆月影交。

偕影心期未是乖。無端小別意難諧。半生犢鼻垂垂老。
十日烏篷渺渺懷。遠浦荻花翻夕照。高秋雁影落長淮。
祇應天畔如鉤月。分得流光上玉釵。

鯨魚風急滯江潭。秋影離離萬木參。跌宕雄心猶舞蔗。
低迷客況已眠蠶。田園有計吾常左。親舊無多別未堪。
倚權清宵渾不寐。起從江北望江南。

憑將老淚灑青衫似草離情不易芟九月霜威欺葛帔
一江風色健征帆客程已近黃花節鄉信猶遲錦字函
只有銅官山色好數峯天際碧巉巖

重九日懷亡友虞勛之

前年吳門作重九橫塘故人具尊酒去年重九烏目山
故人抱病不得同躋攀今年重九故人死我亦片颿渡
江水人生聚散安得常楚雲吳樹空蒼涼故人家在橫
塘住松蘿荒園竄狐兔白頭寡母黃口兒門掩斜陽自
朝暮烏庠故人一別成千秋我去西登黃鶴樓明年重

九知誰共玉笛聲聲起客愁

九日江行晚至銅陵縣得便風行五十里至大通泊

銅陵郭外片帆斜。暮色蒼蒼接蒹葭。紅日半沈漁父網。
綠煙深鎖酒人家。吟邊疊障生寒翠。道上重陽負菊花。
慚愧東風巧相送。又隨旅雁落圓沙。

攔江磯

江流遶磯來一里。先聞聲。輕舸逆流上。敲側不得平乍。
過羅刹石復此危磯橫。癡雲愁淦淦。長風晚轟轟。盤渦。

如車輪直下疑奔疆。前舟浪欲平。後舟險方嬰。而我處其間。屢使心魂驚。折旋久始度。一葉孤颿輕。風聞垂堂戒平地。愁敲傾胡爲狎波濤。迢迢西南征。俊鶻忽東下。離鴻向人鳴。引領望修塗。落日江光明。

舟次東流

浮圖相對出山頂。絡孤城。雲氣侵樓入。江光繞堞明。秋深殘荻葦。驛古倦將迎。只有滔滔水。空傷旅客情。

九江道中二首

蕭蕭風荻亂。泯泯葦江流。故土三更夢。浮生一葉舟。深

恩慈母線客思庾公樓漂泊吾將老能無愧海鷗
楚色來千里。征人此一方。煙波連夏口。山氣滿潯陽。匡
俗仙人宅。柴桑處士莊。高風如可挹。吾欲駐輕航。

潯陽舟中望廬山作歌

平生志名山。五嶽未登一。今來浮江楚。澤遊突兀仰見
匡廬出。時當秋老寒。煙濃白雲出。沒何蓬蓬。須臾雲破
日光漏。倏忽隱見金芙蓉。屏風九疊不可辨。蒼然一氣
蟠高空。盤根巨壯寧有際。回環千里青濛濛。昔有謫仙
人來作山中客。登高窮九垓。援琴撫三疊。我欲手攜綠

玉筇振衣直上香鑪峯。舉頭疑與南斗接。放眼直使滄
溟通。紫極宮前招李白。白蓮社中尋遠公。玉淵飛瀑三
峽水。芥蒂一洗平生胸。雲中五老人。拍手大笑哀愚蒙。
醺雞壘馬同旦暮。廼欲上友廬。山翁飛雲故遣奪峯頂。
濤聲隱隱隨豐隆。江流滔滔去不極。孤舟浩蕩乘長風。
宵來徒聽東林鐘。

九月十五夜蘄州江口看月有懷

畫角驛邊樓。風颿獨客舟。雲深楚山合。月滿大江秋。落
落彈長鈇。輝輝攬敝裘。故園同一照。望遠定含愁。

十六夜西塞山看月

挂席衝高浪。危磯欲上難。
一輪江月白。千里楚雲寒。
的皪汀沙出。依微遠樹攢。
明宵應更缺。不厭夜深看。

次黃州

雁影楚天暮。月明江上秋。
煙波二千里。今夜宿黃州。

遊赤嶼磯登坡仙亭謁蘇公像

赤嶼看山又一時。臨臯景物繫人思。
江山如故公長在。水月無窮客未知。
疏樹離離黃葉脫。晴波汎汎白鷗遲。
千年遺迹都零落。聊向空亭薦芷薜。

江行雜詩

存六

采石悲風急。暮秋英雄事業水東流。扁舟一葉乘湖上。
何處青山李白樓。

遠樹叢叢夾岸沙。妒佗下水片颿斜。我來不惜舟行緩。
小坐船頭看九華。

故園有妹近何如。渺渺征塗少雁魚。目極長江水東下。

可憐不寄大雷書。

次雷口作雷口卽古大雷岸鮑明遠寄妹書處

忽驚天上下。將軍戰士如雲靜。不喧遙識戈船南下處。

捷書一舉滅孫恩。

川兵浮江而下援勦臺灣寇

天濶雲空片月明風濤永夜客心驚臨皋亭下孤舟客
臥聽黃州鼓角聲

迢遞芳洲草不生排空濁浪幾曾平臨江空羨飛仙迹
釃酒何人弔禰衡

武昌客感二首

半生蹤迹滯煙蘿寥落天南且放歌心地直同雲夢濶
名流空說漢江多登牀杜甫貧偏傲開閣公孫禮自羅
寄語故山諸伴侶歲寒盟約不蹉跎

鄉心別緒浩難裁落落孤鴻去不回小住忽驚生白髮

舊遊誰與薦清醅。雪晴山色當窗出。日落江聲繞郭來。
千古銷沈幾知己。攜琴還上伯牙臺。

雪夜同吳鳳都過王華父齋圍鑪煮茗華父以
無酒餉客賦詩索和因次其韻時十一月二十

六日

不憚衝寒路幾叉。同來埽雪且烹茶。龍門有客成奇賞。
鄂渚何人問酒家。虛室似添新月色。故山誰寄早梅花。
暝寒會上千鍾少。明日旗亭試與賒。

二十七日華父招飲再次其韻

頻將險韻鬥尖叉坡老空煎試院茶殘雪滯寒須縱酒
青山入戶便爲家啾啾雀語喧叢竹盎盎簾衣護棗花
且喜東臯王學士醉鄉一記願非賒

二十八日夜復飲華父齋三次其韻

獸炭猶紅撥火叉頭綱重與試新茶絕憐剡曲幽人興
頻到孤山處士家華父杭人酒汎深杯消刻漏雪融清夜落
檐花歸齋且作袁安臥醉擁重衾鄉夢賒

晦夜復飲華父齋時華父將歸杭疊韻留別仍

次其韻

除卻詩牌與畫叉。清宵量酒復評茶。壯心未已寧辭醉。
歲。暮。何。人。不。憶。家。客。夢。詎。離。虎。阜。月。春。風。先。入。馬。塍。花。
銜杯莫厭更籌促。渺渺江湖後會賒。

盆梅詠

盆中一株梅。猶是江南春。主人念羈旅。留伴蕭閒身。虛
室絕來客。紙窗淨無塵。幽香不得吐。冰雪時相親。有如
高世士。寂寞含孤真。我從故山來。幾見芳華新。春風儻
吹開。詎惜詩人貧。

後盆梅詠

古梅山澤姿。落落挺奇幹。誰栽盆盎中。作此几席翫。根
移本性存。夢冷浮華斷。那愁露芳氣。亦復護幽慢。有時
淪清泉。無事染柔翰。不知楚山中。何似江南岸。孤賞託
古辭。申章待吟伴。

續盆梅詠

此梅雖薄植。水石爲幽居。拔之種冰瓷。雅得近綺甃。非
不位置高。或恐雨露疏。有時傍朝旭。清香吐徐徐。羯鼓
催之開。芳氣安得舒。老圃前致辭。花寒待吹噓。蓺花不
惜花。何如棄郊墟。多謝老圃言。孤根守本初。

與楊五橋別七年矣今冬來自蜀中相遇于武昌幕府落落行蹤又將他適夜鐙話舊感贈四

首

意外相逢是舊遊客窗翦燭罄綢繆不堪歧路楊朱淚
重灑滄江庾亮樓下地風霜欺短褐倚人身世等虛舟
江南舊事從頭說只恐翻添旅客愁

五橋嘗因汪觀察
斯事牽連羈縻楚

中者
半載

故山一別冷秋雲襟衷空餘舊酒痕世事已成風外絮
前塵莫問水邊邨飄零裙屐兼生死浩渺關河異轍轅

賸有閒門斜照裏聲聲鄰笛怨黃昏追憶話年
邨舍舊事

長塗南北總三千五橋吳人
近家京師一劍辭家又七年老去已

看生白髮狂來莫更問青天歸心難寄三湘月離怨新

調蜀國弦猶記粉牆題壁在隨潮蘋葉雨茫然

雨雪江湖歲又闌天涯去任路漫漫衡陽雁斷傳書少

與衡州潘太守有約燕市風高挾瑟難生事悠悠吟卷在綈袍落

落故人寒越吟我亦憐莊鳥西望空歌澧有蘭

歲晏行

北風吹雪羣雁飛歲云暮矣胡不歸高堂有母白髮垂

山妻汲水供朝炊。小兒十歲未知學。狼籍殘篇待付誰。
關河凍合音信稀。夢中欲去行復疑。故園風物知是非。
我今五十雙鬢衰。二千里外身猶羈。雖刀之末豈足戀。
空囊趙壹徒嗟咨。喧天爆竹竟長夜。疆從荆楚紀歲時。
吳兒癡獸向誰賣。翦燭空堂還賦詩。梅花破萼香氣微。
春風欲度江流澌。五湖舊約儻能遂。歸與埽石臨苔磯。

戊申
月 盡八

放歌行贈史赤霞卽題其青門送別圖卷

騏驎何當老。伏櫪鳳凰不合垂。雙翼史君落落出羣才。

十載飢驅走南北前年送別青門東幾人折柳歌春風

孤雲還山水歸壑可憐落盡春花紅

歸家後悼亡

丈夫雄心

輕四海一葉飄然趁江瀨入幕無慘但嘯歌登樓有客

傾文采劉峻

謂誠甫比部

張融

謂少安明經

意氣豪興酣落筆如

奔濤賈生沈淪屈原死楚江千古無風騷君也趁趨樹

旗鼓笑余骯髒誰能伍螺亭翦燭話深杯瀝膽傾心芒

角吐人生聚散胡可量劒歌一曲聲激昂堂堂歲月去

如駛悠悠江漢流空長菖蒲無花竹不實堅貞肯作踰

淮橘披圖忽憶五侯鯖西望長安欲投筆入亦愁人出

亦愁且攜玉笛登高樓。武昌魚肥酒如乳。一日典盡千金裘。男兒出處焉得侔。白鷗隨波沒浩蕩。鷹隼矯翼凌高秋。我今老矣復何求。看君骨相當封侯。暫時抑塞休煩憂。會待功成拂衣去。且來訪我巖之幽。與君放櫂江湖遊。

送吳鳳都宋念義之長沙楊五橋之衡州

與君同是未歸人。又向三湘促去輪。江上酒杯知已少。天涯芳草別愁新。山開岳麓晴雲暖。水合蒸波杜若春。欲折長堤數枝柳。風前愁見翠眉顰。

沈我山孝廉爲余談王家小部之勝因憶舊遊

賦四絕句

聽說貞元穆氏歌客窗愁殺病維摩遙知京峴風流守
添得絲絲白髮多

鐘火山塘記昔時棖棖急管與哀絲三年短夢依稀在
牢落江湖杜牧之

梁塵落處看場圓雲雨荒唐接楚天只我尋春來較晚

三湘明月冷吟船

客歲太守攜以遊楚
余來遲不相值也

漫將清淚灑羅裙心字吳香著意熏一曲旗亭腸斷處

多應消瘦沈休文

書螺照亭圖後爲史赤霞兼簡劉誠甫

史君乞寫螺亭圖邀我更作螺亭詩螺亭面山勢爽塏
煙雲出沒看無時我來鄂渚入閨月井井白盡頭上絲
蕭齋雅喜託鄰近幽棲分得鷓鴣枝南豐劉翁無君同
下帷三閒參佐山之厓森嚴鈴閣絕出入東西列舍無
藩籬招要詎假高屐蠟諧謔每至昏星移暮春三月煙
景好疏窗盡拓湘簾披壓簾花雨萬點落拂檻風柳千
條垂嬉春不騎款段馬遣愁那惜蒲桃卮酒酣落落舞

長劍興發徃徃哦新詩。擣菰肯識袁彥道。拄笏或是王
徽之。南樓風月浩無主。二三騷客同襟期。祇憐勞人太
草草。故鄉遠在天之涯。白雲自來還自去。明月已圓行
復虧。淮南叢桂久零落。猿鶴笑我還山遲。東風唬殘子
規舌。君飄欲溯章江湄。麻姑壇邊瑤草綠。劉翁策蹇行
相隨。異日重逢未可必。當時高會良足悲。歲華飄忽如
掣電。江湖浩蕩安可知。輞川之圖。裴廸詠。佗年聊與慰
相思。

宣大香坡三十年老同學也遠宦楚申七年間

關今夏余留武昌香坡適自南漳檄調來省蹉
跎不得相見我之惓惓于故人知故人亦惓惓
于我也詩以寄懷

白雲出岫飛黃鵠因風矯雲鵠兩分張一去千里道千
里忽咫尺足慰七年思展轉不得見惓惓悲路歧路歧
夫如何宋宋山齋算無書逐雁來有夢隨潮去昔別君
始疆今來吾已衰知余念舊日是爾懷人時懷人夜不
寐孤舟幾時發知憶嶺頭雲獨看江上月

雙燕篇

雙雙燕一舞花陰一哺雛隔斷重簾不相見憶昔辭雕
梁分飛各東西或歸葺舊巢或出銜新泥萍浮梗斷兩
無據可憐羽翮那得齊武昌城門水雲綠雙燕同來傍
花宿東風吹去太無情宋宋華堂掩修竹那有韶光漏
好音祇憑輭語說愁心十年短夢知能記一夕相思詎
可任昨夜雨聲多邰邰嘯杜宇曉起問芳菲漂流不堪
數銀榜朱闌帶落暉差池難問舊烏衣試看花柳千門
夕燕子雙雙佗自飛

雜詩五首

寒蟬抱高枝。凜然當素秋。殘葉不蔽影。流響空悠悠。幽蘭
蕙生空山。花葉綠且柔。蓬艾深不見。芬芳出巖幽。君子
有本性。遷化非所憂。

水用莫如舟。地用莫如車。驅車涉江湖。一壺亦不如。申
商競名法。孔孟稱詩書。治道不同揆。安能兩相於。俛仰
懷前修。坦率意有餘。

勺水浮坳堂。置杯則已膠。汪洋弱水中。不能勝鴻毛。非
無海上翁。乘風恣遊敖。渺渺蓬壺間。一釣連六鰲。置身
蠡。睫。上。蠡。測。嗟。爾。曹。

北堂樹以護南榮。植以杞。巢中反哺兒。骨肉一巢裏。怪
鴟適何來。拏攫那可止。野狐張其威。喧噪聒人耳。驅狐
射殺鴟。老鳥心亦喜。

詆玉以爲璞。下愚日恣肆。搏穢轉作丸。詡詡謂予智。至
理本自然。靜者每高寄。有學斯有養。不在矜意氣。寥寥
賞心人。願示第一義。

送姜中丞奉

詔還

朝

時荊州決隄武昌被水甚烈

急切承

丹詔倉皇謁

紫宸

主恩真浩蕩。臣意極

難辛

落日寒江水。秋風促去輪。君如陳政事。首疏及流

民。

登樓集

見山樓集

叢稿第八

長洲 吳翌鳳

中丞內 召余入學使者幕扁舟江漢凡歷七郡閱
二十餘旬計寧居時不及兩月也署有樓曰見山歸
時率下榻焉因以名集

戊申

起九月

效元人齋中雜詠八首

焦桐

欲結上中賞因憐爨下琴中郎不可見千古幾知音水

國鸞凰杳空山雨雪深勞薪真足歎聊譜越鄉吟

蠹簡

萬卷真何用蟬魚蠹已遲幾堪成脈望空自鎖葳蕤穿
鑿能無病咀含詎瘳飢卅年勞寢饋白髮已如斯

殘畫

一幅前朝畫殘縑出敗函似存峯六六莫認徑三三名
闕疑難定嶽深洗未堪模糊煙水外何處是江南

舊劍

故是微時佩頻經俠客求已看霜鋸盡曾報幾家讐血

漬模糊影苔深風雨秋年年空挂壁鬼魁尙生愁

破硯

桑鐵欲磨穿銅臺詎瓦全祇應將秃筆相與寫殘編池
已蟾蜍蝕眼非鸛鵒圓坡翁生計少卽是此良田

蘇詩
我生

無田食
破硯

廢檠

短檠一尺彊朱火爛生光曾伴十年讀相依五夜長橫
斜棄牆角風露冷秋堂一自蘭膏燼空憐鑿壁匡

塵鏡

豈是疲于照迷濛。一面塵料應清影。裏羞對白頭人月。
暗秦臺夜雲封。蜀嶺春不知負局者。拂拭幾回新。

斷碑

一片韓陵石。曾經薦福雷。磨將成柱礎。存不異瓊瑰。妙
迹無多見。深蘿亦可哀。何人傳德政。留得是三災。

哭蔣僚園

蔣君人中龍。豪氣激瓚俗。思以功業奮。有願不得足。昔
君最少年。軒舉凌黃鵠。方方面如田。爛爛目似燭。讀書
輕腐儒。論事洞世局。上策不見收。彈冠副所欲。三年試

收令一蹶困驥驟。宋寥萬事非淒涼。一棺束交君甫冠。
時論年乃弟。畜回思識面。初岸幘障方。麴邀我登虎丘。
與君看新綠。三百青銅錢。酒樓飲芳醪。得閒卽相覓。獨
寤胡弗告。話雨及宵鐘。彈碁被朝旭。祇緣勝引多。益覺
流光促。嶺嶠天南陬。迷濛瘴煙毒。不辭萬里行。聊博五
斗粟。上以娛高堂。下以給餽粥。遷轉潯梧間。政績契當
軸。出關漏種人。彈章到蕭育。君獨不介意。坦然忘寵辱。
歸來訪蓬華。謂于世情熟。從茲枕煙霞。庶幾復邦族。浮
雲無根蒂。世事有反覆。我汎楚江船。君推太行轂。幽州。

六○月○歸○火○雲○煽○炎○燠○齋○淪○涕○水○濱○崎○嶇○泰○山○麓○可○憐○辭○
巢○燕○遽○作○承○塵○鵬○君○素○偉○軀○幹○鬱○蒸○汗○滲○漉○一○病○不○可○
支○雙○足○那○得○縮○孤○燈○照○空○牀○禿○鶯○叫○旅○屋○含○飯○無○親○丁○
撫○棺○惟○健○僕○幽○幽○井○亭○坊○隱○隱○皋○某○復○含○淚○語○慈○親○不○
得○供○水○菽○孤○兒○繞○案○噓○病○妻○掩○帷○哭○亦○有○所○居○堂○森○森○
列○修○竹○亦○有○所○讀○書○幡○幡○亂○箱○簾○一○朝○爲○千○秋○神○氣○何○
繇○屬○窮○冬○武○昌○城○赴○來○故○山○曲○日○月○無○由○詳○方○隅○不○能○
鞠○失○聲○惟○一○慟○老○淚○漬○雙○目○追○維○訂○交○初○卅○載○亦○云○速○
身○世○等○漂○零○汗○漫○徒○微○逐○何○時○挂○劍○來○酌○爾○酒○一○斛○

已酉 盡五
月

春日山樓雜興五首

空山夜來雨。草樹爭芳妍。悠悠山上雲。墮我南窗前。晨興意無慘。蕭散書一編。萬物競春榮。斯人胡不然。愧彼荷蓀翁。歸問東皋田。

高樓上。初日花氣方冥冥。巢燕何所營。侵曉亦不寧。世塗正寥廓。人事尤零丁。逐逐塵土顏。迢迢江漢汀。誰歌望歸曲。淒絕不可聽。

幽蘭生空山。幹弱香有餘。一與蕭艾列。芳氣鬱不舒。東

方有一士落落野興疏雖抱江海志寧異山澤居感物
坐長歎非種不得鋤

春風從何來頓令寒谷暄愛此及物仁何時散煩冤小
草尙萌芽微禽亦爭喧非無陽春曲調苦何由宣知希
物乃貴吾聞老氏言

予豹隱深霧潛蚪養幽姿啾啾林間雀棲息爭一枝微
物失所尙遂爲舉世嗤志士落風塵偃蹇空爾爲

將如襄陽夜泊江口

孤舟泊處葺寒新逼枕濤聲入夢頻風雪三更無去雁

江湖一夜有離人。交期剩灑黃壚淚。

杜十丈昭素
劾于廣濟

舊業

誰憐白社身。只有遊情真。浩蕩吟魂先度峴山春。

漢川道中

蹤迹真同逐浪鷗。片颿離思又滄洲。三杯濁酒愁難破。
十日春寒雨未休。遠水綠迷湏口渡。杏花紅到驛邊樓。
漢陰機事誰能息。自笑勞生久白頭。

經沔陽懷舒約亭

日落煙水白。孤舟峭寒生。渺然江湖思。適我魚鳥情。緬
我同心友。爰作沔水行。兩月斷芳訊。百里違嚴程。悠悠

源洪濤搖搖役心旌引嶺望江郭天末孤鴻聲

江行遇雪

蕭然孤櫂竄江濱寒到征衣酒不醺凍雨攪風都作雪
溼煙墮水半爲雲角吹古戍難成寐雁叫汀洲不可聞
漢沔東來我西去天涯誰更惜離羣

晚泊石簾

馬良

山名

青不斷春溜滑于油暮雨停孤舫寒鐙出驛樓

客程迷水次鄉夢亂更籌明發揚舠去灘聲殊未休

過九龍灘水溜風逆不得上久之乃泊

回澗屈曲一舟蟠撲面楊花作晚寒三月東風吹鬢老
十程春水上天難橫斜颿影迷南北寥落郵亭隔渺漫
晚與沙鷗爭宿處如鉤新月挂闌干

襄陽

寒煙落日古襄州形勢居然控上游峴首殘碑誰墮淚
隆中事業幾荒丘滄桑變滅歸青史漢沔波濤送白頭
耆舊於今零落盡春風獨上仲宣樓

登九宮山

迹古仙靈闕山高氣象分空江晴有色春樹暖生雲壤

塔消龍氣

有龍起塔

殘碑蝕蘚紋斜陽廟門闔鐘鼓散雅羣

襄陽雜詩八首

千年雄鎮古襄陽破屋隤垣落日黃
犂山田新雨過東風一路土花香

彊從客裏惜芳菲一角斜陽上酒旗
匹馬銅鞮坊底路楊花如雪撲征衣

名士銷沈終古愁漢江東去不還流
行人莫問南朝事亂草荒煙舊選樓

籃輿得得出南城傍水人家畧徧橫
千樹桃花萬楊柳

可○憐○今○日○又○清○明○

萬山山色碧于藍山下沈碑舊有潭陵谷滄桑幾回換
翻憐多事杜征南

峴首亭空草欲蕪荒林處處叫提壺習池縱有閒車馬
誰是高陽舊酒徒

星河絡角斗回西空繞河脣唱大隄誰識少年遊冶處
樊城花月賤如泥

四千里外促征郵襄水鄖山道路修自歎勞生成底事
歸來且與葛彊遊

上魚梁灘作歌

漢江直下如建瓴危灘箭急奔雷霆我來源江二百里
尺進咫退揚孤舸魚梁灘險更殊絕灘底巨石蟠作癡
龍形橫披倒植不可以數計大如屋宇小或如繁星空
明一尺水日夜滾滾何由渟我舟徑從山頂過恨不飛
度生修翎中流一石忽矗立對之肅肅疑若棲神靈灘
師折旋有程度緯夫偃僂一步一歇行殆嬾偶然擊撞
那可救青絲迸斷一瀉無留停是時正當三月暮巖花
錯雜聞幽馨水禽孤飛雲淦淦山猿一嘯風泠泠夙聞

忠信乃可涉蓬窗兀坐不得心魂寧自從故鄉來馬當
羅刹已慣經茲行西南窮漢沔一身飄蕩如浮萍非名
亦非利胡爲觸險嗟伶俜移時出巨壑日色忽欲暝岸
旁雞犬自閒暇人家寥落棲寒汀把杯酌酒聊自慰舉
頭一笑青天青

亂石灘

昨日上魚梁礮砢怯巨石今來亂石灘跳波濺飛白連
緜石角出斑駁苔蘚積或如龜昂頭或如牛露脊矯如
走螭蟠森如排劍戟將毋媧皇遺不爾精衛擲拄壁窮

千篙容刀只一隙蛟龍不蟄藏畏其太險窄灘師那敢
驟宛轉隨曲折失手須臾閒劃剝誰能索我時坐篷窗
自悔輕于役過險尙膽寒當危益蕩魄老雅嘯未休林
端日輪赤

抵均州

連峯錯晦明灘險窮殊狀黯黹二百里及此始一曠坡
陀依流轉雲日相滉漾疏樹澹晴煙飛花逐浮浪沙鷗
不避船漁牧各閒放悅疑別有天陡覺胸懷暢悠悠蓼
山雲欲墮篷窗上待訪滄浪水一聆孺子唱

張公攬

天垂黯澹青鳥作嘔啞喚我來張公攬戒心怯湍悍重
山凜前橫一江忽中斷殷雷晴亦喧堆雪夏猶眩一繩
迸危崖百丈牽絕岸斜如蛇身行圓作螺尾旋進退愁
尺。遑。溯。左。復。右。轉。長。風。獵。獵。鳴。騶。日。荒。荒。暗。屈。曲。度。層
屏恍惚出重幔命薄輕江潭臨風喟然歎

尖灘

連朝上危灘畏此石齒齒尖灘更險絕洪濤滴奇詭聲
驚萬鼓鳴浪急羣龍徙翻疑坤軸弱坐使地根圯鐵絙

縣山腰碎石不容跬率夫輒輒行後趾蹴前屣千挽那
得前一蹶詎能起雲陰山靈愁風厲鬼伯喜來舟若飛
鳬。警。眼。去。如。矢。臨。深。古。有。戒。悔。作。遠。遊。子。

小泊白果樹距鄖陽三十里

寒郭浮煙外孤颿野水濱山盤江入楚雲擁樹連秦農
事收蕎麥巫歌祭水神家鄉五千里漂泊又殘春

鄖陽試院八柏歌

山深院古蟠虬龍二龍夭矯庭之中一龍孤飛獨向東
一龍偃蹇頭欲童別有四龍不得地落落不肯隨蒿蓬

鄖陽城高水雲霽三月春和較入聲文莚壯采真同鸞鳳
飛苦吟欲和笙竽細我來枯坐蒼苔陰愛此二栢垂森
森孤高自覺世代遠堅貞不受冰霜侵月明倒挂猊猊
影風急樓鳥夜相警清香滿院雨乍闌積葉當階晝初
永吁嗟萬物乘勢各有時榮枯未必天公私遙望童童
六疎榦婆娑離立何權奇柯葉能辭螻蟻萃歲寒不改
雲霄志莫爲支離生歎嗟飄飄我亦無根蒂

謁韓文公祠

潮海功名到古鄖荒涼遺廟漢江濱五原直接天人策

一。裘。長。鐫。琬。御名。文。門。掩。亂。山。誰。奠。碑。風。清。古。栢。自。生。雲。
瓣。香。我。亦。師。周。孔。肯。向。羅。池。弔。夕。曛。

發鄖陽抵滄浪水

勞。生。歲。月。儘。堪。憐。處。處。青。山。叫。杜。鵑。暮。雨。水。生。麋。子。國。
月。明。人。上。楚。江。船。三。生。有。夢。迷。蕉。鹿。二。頃。憑。誰。置。鶴。田。
老。大。心。情。同。漫。宴。塵。顏。羞。對。濯。纓。川。

莫愁邨

悠。悠。漢。江。水。何。處。莫。愁。家。日。暮。飛。雙。燕。東。風。開。杏。花。

臥病

亂紅如雨綠陰肥。蛺蝶隨香亦倦飛。小病不愁無藥裏，
故人曾與寄當歸。

安陸試院古柏歌

鄖鄉歌入柏摹畫不盡致，今來竟陵郡院做苔紋閣簷。
訝冷光射鬱見霜柯翳，修榦摩高穹靈根走平地低垂。
若雌伏昂起忽鷹鷂蒼蒼出頽垣一一肆橫恣其古莫。
與偶其大不容二所惜舊志亡未識何代植庶物齊癡。
肥此樹獨貞粹活脫青蛟顙杈枒白龍臂香疑旃檀燒。
勢若風雨至漫天萬里雲落地二頃翠長廊一面欹矮。

屋三間置盛夏晝亦寒亭午日疑墜不愁霹靂飛時見
猿猴戲冰霜知爾歷蔽蔭不我棄方今急賢才徵求及
庶類人思楨榦才天與梁棟器造化多權奇滋培豈容
易珍此鐵石姿再拜發深喟

荊州四首

天險通巴蜀東來阨此州人煙沙市曉芳草渚宮秋無
復羅含宅空餘王粲樓嚴城凋劫後腸斷此淹留
幽臺墜息壤惡浪攪支祁風雨催潮入江湖掣溜遲幾
疑沈地肺終喜漏沙池稍稍流移復磬磬鴻雁悲

古戍餘殘壘荒榛失故宮蒼然葭菼外憑弔與誰同郢
都風煙古孫劉事業空大江流不已淘盡幾英雄

比戶承新澤遺黎話劫灰金隄千丈屹丹郭六門開
喜見魚龍徙如聞召杜來西山朝氣爽在笏獨登臺

見山樓集